

FLETËUDHËZUES I PAKETIMIT:
Informacion për pacientin

GENTA

Krem – 0.1 % (Gentamicinë sulfat)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efektëve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë është Genta dhe përsë përdoret?
2. Përpara se të përdorni Genta
3. Si ta përdorni Genta?
4. Efekte anësore të mundshme
5. Si ta ruani Genta?
6. Informacion i mëtejshëm

1. ÇFARË ËSHTË GENTA DHE PËRSË PËRDORET?

Genta është një produkt farmaceutik që ka si lëndë aktive gentamicinën sulfat.

Gentamicina është një antibiotik aminoglikozidik, veçanërisht aktiv kundër bacileve aerobe gram-negativë, sidomos *Escherichia coli*, *Proteus*, *Klebsiella*, *Serratia*, *Enterobacter* dhe *Citrobacter*.

Gentamicina nuk është e efektshme ndaj anaerobëve, mykut dhe viruseve.

Genta - krem përdoret në format e infektuara të lëkurës të shkaktuara nga mikrobe të ndjeshme ndaj gentamicinës si: piodermi me shtrirje dhe gravitet të ndryshëm, folikulite, forunkuloza, ekzema mikrobike. Gjithashtu përdoret edhe në format e infektuara sekondare si: dermatite, ekzema, ulçera, lezione traumatike, në djegie dhe plagë të infektuara. Infeksionet e tjera të lëkurës që kërkojnë përdorimin e Genta krem janë akneja dhe psoriasis pustuloza, forma integroide.

2. PËRPARA SE TË PËRDORNI GENTA

Mos e përdorni kremi Genta:

- në qoftë se jeni i ndjeshëm (alergjik) ndaj aminoglikozidëve ku bën pjesë gentamicina, ndaj propilenglikolit, metilhidroksibenzoatit, propilhidroksibenzoatit ose ndaj ndonjërit prej përbërësve të tjerë të barit pasi mund të shfaqen reaksione alergjike, përfshi dhe anafilaksinë. Reaksionet alergjike nga aminoglikozidët nuk janë të zakonshme, por, kur ndodhin, shpesh janë të kryqëzuara brenda grupit kimik.

Tregoni kujdes të veçantë me Genta

Pyesni mjekun tuaj përpara se të përdorni Genta - krem.

- Kur gentamicina përdoret lokalisht në sipërfaqe të mëdha lëkure, duhet patur parasysh mundësia e përrthithjes së antibiotikut, çka përbën një rrezik të vogël për shfaqjen e ototoksicitetit, veçanërisht në të moshuarit dhe në të sëmurët me dëmtim të funksionit të veshkave.
- Në qoftë se shfaqet irrimtim, sensibilizim ose mbiinfeksion, mjekimi duhet ndërprerë dhe duhet filluar një mjekim tjetër i përshtatshëm.
- Duhet përdorur me shumë kujdes tek fëmijët me të vegjël se një vjeç. Siguria dhe efektiviteti i barit tek këta fëmijë nuk janë konfirmuar ende.
- Genta – krem është vetëm për përdorim të jashtëm në lëkurë.
- Duhet të shmangët përdorimi i njëkohshëm dhe/ose i njëpasnjëshëm me bama të tjera që nga përdorimi sistematik (oral ose injeksion) ose topik (aplikim lokal në lëkurë ose mukozë) shkaktojnë toksicitet të veshkave (nefrotoksicitet) dhe/ose të trurit (neurotoksicitet).

Marrja e barnave të tjera

Ju lutemi të kontaktoni me mjekun ose farmacistin tuaj në qoftë se jeni duke marrë / përdorur ose keni marrë / përdorur kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Genta – krem në qoftë se ju jepet ndonjë bar tjetër gjatë trajtimit.

Ndërveprimet medikamentoze klinikisht të rëndësishme vërehen pas përrthithjes sistemike të Genta - krem.

Përdorimi i barnave të tjera si: kanamicinë, neomicinë, streptomycinë, ciklosporinë, aciklovir, polimiksinë B, kolistinë, vankomicinë, cisplatinë dhe fludarabinë shton rrezikun e nefrotoksicitetit. Duhet mënjeluar përdorimi i njëkohshëm i gentamicinës me barna të tjerë ototoksikë siç janë acidit etakrinik dhe ndoshta furosemidi sepse mund të rrisin toksicitetin e aminoglikozidëve.

Shtatzënia dhe ushqyerja me gji

Kërkoni këshillën e farmacistit ose të mjekut përpara se të përdorni këtë bar.

Siguria e përdorimit të këtij bari në shtatzëni dhe laktacion nuk është vërtetuar ende. Megjithatë, duhet të evitohet përdorimi si gjatë shtatzënisë dhe gjatë ushqyerjes me gji.

Drejtimi i automjetit dhe përdorimi i makinerive

Nuk ka të dhëna që ky preparat mund të ndikojë në aftësinë për të drejtuar automjetin apo përdorur makineri.

Informacion i rëndësishëm për disa nga lëndët ndihmëse të kremi Genta

Genta përmban metilhidroksibenzoat dhe propilhidroksibenzoat të cilët mund të shkaktojnë reaksione alergjike (ndoshta të vonuara). Gjithashtu, përmban propilenglikol i cili mund të shkaktojë irrimtim të lëkurës.

3. SI TA PËRDORNI GENTA?

Gjithmonë përdoreni kremi Genta sipas këshillës së mjekut tuaj. Në qoftë se nuk jeni i sigurt, kontaktoni me mjekun ose farmacistin. Në qoftë se ndjeni që efektet e kremi Genta janë shumë të forta ose shumë të dobëta, flisni me mjekun ose farmacistin tuaj. Para përdorimit, zona e infektuar duhet larë dhe tharë mirë. Përpara se të aplikohet, mund të jetë e nevojshme që të largohen krustat nga lëkura, me qëllim që të lehtësohet kontakti dhe veprimi i gentamicinës me bakteret shkaktarë patogjenë. Kremi përdoret 3-4 herë në ditë deri në arritjen e përmirësimit. Më pas aplikimet mund të bëhen 2-3 herë në ditë. Është mirë që pas përdorimit pjesa e lyer të mbulohet me garzë sterile, por kjo nuk është e domosdoshme.

Në qoftë se keni përdorur më shumë Genta

Në qoftë se keni përdorur më shumë krem Genta, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Në qoftë se harroni të përdorni Genta

Në qoftë se harroni të përdorni një dozë, përdorni dozën pasardhëse kur të jetë koha për përdorimin e zakonshëm të saj. Mos përdorni një dozë të dyfishtë për të plotësuar dozën e harruar. Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, kremi Genta mund të shkaktojë efekte anësore, megjithëse jo çdokush i manifeston.

Pjesa më e madhe e efektëve anësore janë të lidhura me dozën dhe zhduken kur doza reduktohet ose trajtimi ndërpritet. Disa efekte anësore mund të ndodhin në fillim të trajtimit dhe zhduken në mënyrë spontane me vazhdimin e mjekimit.

Kur kremi përdoret vazhdimisht ose në mënyrë të përsëritur ekziston rreziku i shfaqjes së reaksioneve të sensibilizimit.

Në qoftë se ndonjë prej efektëve anësore përkeqësohet, ose në qoftë se vëreni efekte anësore që nuk përmenden në këtë fletëudhëzues, ju lutemi të lajmëroni mjekun ose farmacistin tuaj.

5. SI TA RUANI GENTA?

Ruajeni në një vend të thatë dhe të freskët në një temperaturë jo më shumë se 25°C. Duhet të ruhet nga drita dhe lagështira. Mos e përdorni kremi Genta pas datës së skadencës. Mbajeni larg fëmijëve!

6. INFORMACION I MËTEJSHËM

Çfarë përmban Genta - krem

Lënda aktive është gentamicinë sulfat. 1 g krem përmban gentamicinë sulfat ekuivalent me 1 mg gentamicinë (0.1%).

Lëndët ndihmëse janë: vazelinë, vaj vazeline, metilhidroksibenzoat, propilhidroksibenzoat, propilenglikol, PEG stearat glikol stearat, ujë i pastruar.

Përmbajtja e paketimit

Kuti me 1 tubet që përmban 15 g krem.

Mbajtësi i Autorizimit për Tregtim dhe Prodhuesi:



PROFARMA Sh.a.,
Rruga "Skënder Vila",
Tiranë, Shqipëri.
Tel.: +355 4 23 89 602

Ky fletudhëzues u rishikua për herë të fundit në Nëntor 2023.

PAY ATTENTION, all the layers are visible.

If you have to print this document please check or uncheck the specific layers.

